

Curs sura la Bibia cun Padre Giuseppe y la Comunità Abbà vëgn organisé dal Cunsëi de Cûra da La Ila dal 18 al 20 de otober 2012. Informaziuns y prenotaziuns pro Lilly (0471/847073).

Curs por geniturs cun mituns da 0 a 18 agn: vëgn organisé dal KVV La Ila y Cunsëi de Formaziun Comun Badia ai 11.10.2012 dales 09:00 tla Raika a La Ila. Infos por trami dui i cursc: sandra.frenademez@yahoo.it.

Festa de onoranza: l'comun de Badia surandëia en sabeda, ai 13.10.2012 dales 16:00 te Ciasa J.B. Runcher "l'aodla d'or y l'diplom de onur" a trëi personalitês che s'â fat miricé por la comunité:

la maestra Hilda Pizzinini
l'Intendënt Dr. Franz Vittur
l'artist Lois Irsara.

L'comun de Badia inviëia dütta la popolaziun a tó pert por mostrè respet y reconoscënza defrunt ales trëi personalitês.

KVV - informaziuns: sciöche i agn passà él incé por l'proscimo ann da renové la domanda dl contribut ales families cun mituns sot a 18 agn. Chësta domanda, adüm cun la detlaraziun EEEV-DURP, mëss gnì fata tres internet anter 31.12.2012. L'KVV é a Osta desposiziun por chësta y atres pratices soziales vigni **merlesc** dales **08:30 ales 12:30** tla ciasa dl raiun sozial (3.alzada) a Picolin. Al ne va nia debojëgn da se prenoté.

Informaziun: la Cassa Raiffeisen adüm cun la Lia di Artejans tëgn en mercuri, ai 24.10.2012 dales 20:00 tl salf dla Cassa Raiffeisen a La Ila na sëra de informaziun sön les novitês por sovenziuns, contribuç y inzentifs por l'ressanamënt energetich, les restrotoraziuns di fabricac y bonus de cubatöra.

Sorvisc ai Jogn – Informaziuns: l'proiet "Laûr davert por la jonëza" jará inant incé tratan l'ann de scola 2012/13. L'local di jogn a Badia sará davert vigni **lünesc** dales **15:00 ales 19:30** y vigni **jöbia** dales **16:00 ales 20:30** olache düc i mituns dla elementara, mesana y scoles altes po passè valgünes ores de so tēmp lēde cun ativitês y jüç de aorela cürta.

●L'ofize dl Sorvisc ai Jogn sará stlüt ai 10 y 11 de otober por n convëgn●

"Aste ligrëza cun la troht?" D'aisciüda vëgnel organisé dala uniu dles ëles dala troht n curs (limité a 10 porsones) da fâ la troht. Por podëi apostè l'material fossel bel šëgn da se prenoté pro Hildegard Tavella (0471/839794).

Informaziuns: *Tratan chëst'edema jaràle la sirena te païsc por na eserzitaziun di destüdafüch. La jënt ne dess nia se sperde.*

Al vëgn lascè alsavëi che en S.Michil (29 de setëmber) él gnü ciafè scioldi dan l'tunel da La Crusc. Chi che i'â mancia po jì te Comun ai to.



Usc dla Cûra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 46

Edema: 07.10. - 14.10.2012

Vangele dla Dumënia che vëgn - XXVIII° dl ann „B“

Mc. 10, 17-27 - Te chël tēmp ti n'él saltè un adin-cuntra a Gejù s'â injenedlè jö y l'â damanè: Bun maester, ói mëssi pa fâ por davagnè la vita eterna? Gejù ti à respognü: Ciodî me dijeste pa bun? Degügn n'é bugn ater co Dî, èl su. Tö conësces pö i comandamënc: Te ne desses nia copè, te ne desses nia rumpì le matrimone, te ne desses nia arobè, te ne desses nia dè testimonianza falza, te ne desses nia fraudè, onorëia to pere y túa uma! Al ti à respognü: Maester, düc chisc comandamënc ài osservè da jonn insö. Dailò ti à Gejù ciarè ados, y deach'al ti orò bun, ti àl dit: Öna na cossa te mancia ciamò: Va y vënn ci che t'as, dà i scioldi ai püri y t'aras n tesur tl cil; spo vi y vime do! Mo chël à ciafè la ria canch'al à aldi chësc y é jü cun tristëza demez; deach'al â n gran avëi. Dailò ti à Gejù ciarè ia a sü discepu y ti à dit: Tan ri ch'al é por jënt che à tröp, da rovè tl règn de Dî! I discepu é restà mal por sües parores. Mo Gejù ti à ciamò dit: Mi mituns, tan ri ch'al é da rovè tl règn de Dî! Denant va n camel fora por n büsc de na odla, che n rich röies tl règn de Dî. Mo ëi s'â spordü ciamò deplü y dijö un al ater: Chë sciafia pa spo da gnì salvà? Gejù ti à ciarè ados y à dit: Por la jënt é chësc imposcibl, mo nia por Idî; Deache por Idî é döt poscibl.



REGINA DL
SS. ROSARE
PRËIA POR NOS

FUNZIUNS SACRES

07.10. XXVII. DUMËNIA de Segra de Rosare

10.00 Mëssa ciantada de ringraziamënt dla racolta

15.00 Festa da Bato

dales 15.00 zirca (do mëssa dla Comunità da La Val)

Traslaziun de Chël Bel Dî da La Crusc

18.00 S.Mëssa en onur de S.Maria

†to Konrad Dapoz - aniversar

†ta Anna Bernardi



08.10. Lünesc

19.30 Mëssa cun i mituns dla Crejima

†ta Lina Alfarei - **otavare**

†to Emilio Costisella

por fam. Rita y Lois Lerchegger

09.10. Mertesc

14.00 Mëssa por l'Senioreclub a Pescol

por i plö arbandonà / por les animes dl purgatore

†to siur Heinrich Videsott

10.10. Mercui

07.25 †to Carlo Dapunt

†to Carlo Vittur

†ti Teresa, Bernadetta y Linert Pescoll

11.10. Jöbia

Degüna S.Mëssa

SCÖMËNCIAMËNT dl ANN de FEDE

12.10. Vëndres

07.25 †ta Valeria Valentin - aniversar

†ta Adele Anvidalfarei

†ti Nazio y Giovanni Pizzinini - aniversar

13.10. Sabeda

16.00 S.ta Mëssa a Oies

14.10. XXVIII. DUMËNIA dl ANN / B

10.00 Mëssa por la Comunità

15.00 **Prozesciun cun Chël Bel Dî da La Crusc**

18.00 †ta Rosa Crepez - aniversar

†to Siegfried Winkler

†ti Paul, Afra y Rosina Declara



Dala VITA dla CÛRA

Ann de Fede 2012/13




JAHR DE GLAUBENS 2012

Cun la publicaziun „Porta della Fede“ á nosc Papa protlamè l'Ann de Fede dai 11 d'otober 2012 inant. Porchèl se porvunse düc tla Comunità dla Cûra de aprofondì nosta fede, de vire y testimonié cun gran ligrèza y impègn, cis tl medité la Bibia y tla zelebrazion di Sacramènc. I prèi düc de tó chësta ocajiun sciöche na grazia y na cherdada de conversciun.

Ma çi che costa, vel valch!

Siur Degan



Chësta dumënia, ai 07.10.2012 ciafa l'Sacramènt dl BATO i pici **Carolín** de Werner Dapunt y Jule Frenner y **Gabriel** de Igor Tavella y Claudia Piazza. Ai pici che tolun sö cun ligrèza te nosta comunité cristiana y a sües families les mius aodanzes!


Crejimané 2013: en lünesc, ai 08.10.2012 tratan la Santa Mëssa dales 19:30 saràle i crejimà da l'ann passè che prejentará ala comunité i mituns che podará pié do l'sacramènt dla Crejima en ater ann ai 1.de aurì. Chësc é n mumènt important por i crejimané che orun festejé cun solenité, deache ai mèt man n tru nü, acompagnà da sü geniturs, mo sambègn inçe da düta la comunité che po ti dè sostègn cun l'oraziun. Düc é invià.

I crejimà da l'ann passè y da chëst ann é perià de gnì in chël dé dales 18:45 te dljia por se arigné ca ala S.Mëssa.



Düta la Comunité tol pert al dolor di familiars dla defunta **Lina Alfarei ved.Pescollderungg** che é gnüda cherdada dal Signur te so règn tl'eté de 74 agn. Che ala pases tla pèsc eterna.

Via Crucis por i leturs: l'Cunsèi de Cûra de Corvara y Calfosch invièia i leturs dl'Alta Badia a tó pert ala Via Crucis en sabeda, ai 13.10.2012 dales 14:00 dal Hotel Sassongher a Calfosch olache al sarà na funziun y dedò n rinfrèsch. Prenotese pro Rita, presidènta dl Consèi de Cûra.



Senioreclub: en mertesc, ai 09.10.2012 mèt indò man les incuntades dl Senioreclub. Se abinun dan Ciasa Runcher o a Pedraces dan Comun dales 13:30 por jì a Pescol olache siur Degan se dij na S.Mëssa. Dedò saràle na picera marèna te

Ciasa Urban. Chi che oress che an jiss ai tó a ciasa, po cherdè sö Clara (tel.0471/839775) o Pia (tel.0471/839745). Gnide tröc!